



Samstarfssamningur Mosfellsbæjar og Motocrossfélagsins MotoMos

Mosfellsbær kt. 470269-5969 og Motocrossfélagið MotoMos kt.511202- 3530, gera með sér svohljóðandi samstarfssamning:

1. grein

Tilgangur og markmið samningsaðila

Meginmarkmið samningsaðila er að leitast við að tryggja öflugt og fjölbreytt íþróttastarf í Mosfellsbæ.

MotoMos skal hafa það að markmiði í starfsemi sinni að bjóða börnum og unglिंगum skipulagt íþróttastarf undir leiðsögn menntaðra og hæfra leiðbeinenda þar sem forvarnargildi íþróttanna er haft að leiðarljósi. Samhliða að leitast við að hlúa að keppnis- og afreksíþróttafólki þannig að það náð sem bestum árangri.

Mosfellsbær mun styðja við fjárhagslegan rekstrar- og starfsgrundvöll deildarinnar með samkomulagi með beinum fjárframlögum.

2. grein

Framlög Mosfellsbæjar

Mosfellsbær skal greiða MotoMos árleg fjárframlög og skal félagið ráðstafa þeim á eftirfarandi hátt til starfsemi félagsins.

1.022.491 kr. Framlag til barna- og unglिंगastarfs

Framlaginu skal verja til barna- og unglिंगastarfs félagsins. Framlag hvers árs hækkar í samræmi við breytingu launavísitölu miðað við nóvember ár hvert, auk 3% á ári til að mæta væntanlegri fjölgun iðkenda.

267.421 kr. Framlag til afreks- og styrktarsjóðs

Framlaginu skal verja til að styðja almennt við einstaklinga eða hópa innan MotoMos, sem verið hafa til fyrirmyndar. Einnig að veita leiðbeinendum félagsins styrk til að efla þá í starfi. Framlag hvers árs hækkar í samræmi við breytingu launavísitölu miðað við nóvember ár hvert, auk 3% á ári til að mæta væntanlegri fjölgun iðkenda. Gera skal grein fyrir hvernig framlaginu er varið í reglulegum skýrslum til Mosfellsbæjar.

Framlag til afreksþjálfunar

Félagið fær úthlutað 5 kortum til notkunar í líkamsræktarstöð sem tryggja á sérhæfða styrktarþjálfun afreksíþróttafólks í MotoMos.

Joe

316.330 kr. Afnot af eigin íþróttamannvirkjum

Framlag Mosfellsbæjar vegna afnota Motomos af eigin íþróttamannvirkjum til æfinga fyrir börn og unglinga félagsins. Þetta tekur til æfingaaðstöðu innan- og utandyra, keppnisvallar og félagsheimilis.

Framlag til greiðslu fasteignagjalda vegna fasteigna í eigu MotoMos

Á hverju ári samningstímans skal Mosfellsbær veita MotoMos fjárframlag til greiðslu fasteignagjalda af fasteignum sem eru í eigu félagsins og eru nýttar sem slíkar.

Framlag til sumarstarfa

Vegna sumarverkefna félagsins greiðir Mosfellsbær árlega fjárhæð sem nemur 1 stöðugildi (140 stundum á hvert stöðugildi) í launaflokki 117 samkvæmt kjarasamningi Starfsmannafélags Mosfellsbæjar. Stjórn félagsins ákveður hvornig fjármagninu er ráðstafað innan félagsins.

3. grein

Framlag til barna- og unglिंगastarfs, framlag í afreks- og styrktarsjóðs og afnot af eigin mannvirkjum eru greidd í tveimur jöfnum greiðslum 1. janúar og 1. júní ár hvert. Greiðslur taka mið af breytingum á launavísitölu útgefinni í nóvember árið áður, í fyrsta sinn nóvember 2021 vegna greiðslna fyrir 2022. Gera þarf grein fyrir hvornig framlögin eru nýtt í skýrslum til Mosfellsbæjar þegar að eftir því er leitað. Öll framlög til félagsins verða gerð sýnileg á vef bæjarins auk árshlutauppgjöra MotoMos þegar þau liggja fyrir.

Félagið skal senda Mosfellsbæ reikninga fyrir fjárframlögum skv. 2. grein. Dagsetning reiknings skal vera 1. dagur þess mánaðar sem kveðið er á um greiðslu framlagsins. Mosfellsbær áskilur sér tvær vikur til úrvinnslu reiknings áður en hann er greiddur. Reikningar eru greiddir inn á þann bankareikning félagsins sem tilgreindur er á innsendum reikningi. Félaginu er óheimilt að veðsetja eða ávísa greiðslum skv. samstarfssamningi þessum til 3ja aðila.

Árlegar greiðslufjárhæðir eru ákvarðaðar með fyrirvara um fjárheimildir í árlegri fjárhagsáætlun Mosfellsbæjar.

4. grein

Samskipti samningsaðila

Stjórn MotoMos tryggir að erindi til Mosfellsbæjar fari um stjórn félagsins.

Íþrótt- og tómstundanefnd Mosfellsbæjar kemur fram fyrir hönd bæjarins varðandi framkvæmd samningsins.

Íþróttafulltrúi Mosfellsbæjar annast dagleg samskipti við MotoMos vegna samningsins.

Formaður MotoMos kemur fram fyrir hönd félagsins við Mosfellsbæ varðandi dagleg samskipti og nánari framkvæmd samningsins.

5. grein

Ábyrgð stjórnar Motomos og upplýsingaskylda til Mosfellsbæjar

Stjórn MotoMos ber ábyrgð rekstri og fjármálastjórn félagsins og tryggir að bókhald sé reglulega og réttléga fært. Í áætlunum fyrir næsta ár skal aðgreina rekstur unglिंगastarfs frá öðrum rekstri og þurfa áætlunir að liggja fyrir 1. nóvember.

Jue

Stjórn MotoMos skuldbindur sig til að leggja fram gögn til Mosfellsbæjar um fjárhagsleg málefni félagsins svo og fjölda, aldur og kyn barna- og unglinga þegar eftir því er leitað og innan tímamarka. Gögnin verða hluti upplýsinga sem birtar verða á vef bæjarins um hvernig fjármunum sveitarfélagsins er varið.

Allir styrkir og framlög Mosfellsbæjar greiðast til stjórnar sem annast ráðstöfun greiðslna í samræmi við samninginn.

Samkomulag er um að félagið leitist við að hækka ekki gjöld sín umfram hækkun launavísitölu á samningstímanum.

6. Grein

Mosfellsbær áskilur sér rétt til að skilyrða allar fjárveitingar til íþrótt- og tómstundafélaga, að þau setji sér siðareglur, viðbragðs- og aðgerðaráætlun í tengslum við þær og skulu félögin fræða starfsfólk sitt um kynferðislega áreitni/ofbeldi og hvers konar annað ofbeldi. Einnig skal félagið stofna og/eða hafa aðgang að óháðu fagráði sem tekur á mótí ábendingum og kvörtunum iðkenda og ábyrgðaraðila. Félögin skulu sýna fram á að farið sé eftir jafnréttisáætlunum og jafnréttislögum í starfi og aðgerðaráætlun þar sé skýr. Hafi félagið ekki gert jafnréttisáætlun með aðgerðaráætlun skal það gert.

7. Grein

Endurskoðunarákvæði og gildistími

Samningurinn gildir frá 01.01.2022 til 31.12.2024 og fellur þá úr gildi án uppsagnar. Fyrir 1. júní 2024 skulu samningsaðilar endurskoða samninginn með það að markmiði að nýr samningur taki gildi í upphafi árs 2025.


Mosfellsbær 5. apríl 2022

Fh. Mosfellsbæjar



Haraldur Sverrisson
bæjarstjóri

Fh. Mótocrossfélagsins MotoMos



Jóhann Arnór Elíasson
formaður